

03搖囡仔歌

王秀蓉

細漢逐暗欲睏，阿母攏會唱歌予阮聽。唱別人寫的無希罕，伊是家已鬥句，鬥伊的教示，鬥伊的愛。一開唱攏是這四句：

心肝嬰，目調瞌瞌，睏醒恁你去讀冊；
去讀冊，趣味濟，同學若像兄弟姊妹。

好姊妹疼小妹，乖小妹愛姊妹；
心肝嬰，目調瞌瞌，恁攏是我的寶貝。

聽著第一句，阮就知影愛乖仔睏囉！伊的歌，若像共阮注預防射。學校有啥物代誌，伊攏未卜先知，用歌聲教阮按怎面對。我讀幼稚園的第一工，當伊輕聲仔講「下晡五點來接你」，我目屎就津落來。伊隨共我攬牢咧唱這塊歌安慰我，叫我毋免驚。有影，讀冊像伊講的，誠趣味，有足濟同學恰我要。誠感謝阿母遮巧，用搖囡仔歌予阮有依倚。

伊的歌無寫落來誠無彩。伊笑講第一段烏白編，哩哩囉囉，竹篙鬥菜刀。有當時仔閣唱甲眈龜，袂記得了了矣。

第二段咧？伊講姊妹仔相愛才袂冤家，伊無想做公親，予阮怨無公平。較厲害的是，阿母會呵吃阮相疼痛的事實，表示伊有看著阮的表現，阮感覺足幸福的。

其實伊痲毋是烏白鬥，是看阮的需要！有一條，是咧講我讀小學的頭一工……

一兩三，穿新衫；四五六，冊愛讀；
七八九，用頭腦；算到十，喙愛合。

伊講「穿新衫」是新點點的開始，愛穿子媿媿予人恰意。「冊愛讀」上重要，愛阮學好模樣「用頭腦」。上尾句「喙愛合」，一兼二顧訓練咬音，嘛向望阮愛喙合合專心仔聽課，毋通厚話。到今阮姊妹仔上課攏足專心，誠實著愛感謝阿母用唱歌來雕阮的心性。

科學研究講：全一件代誌若做21擺就會慣勢。阿母的歌一暎唱十幾擺，兩工就二十外擺矣！挂著重要的，會唱規禮拜，算算咧就超過百五擺矣。莫怪阮姊妹仔會遮愛讀冊遮相愛。

嘛毋知當時開始，欲睏就無閣聽伊編的歌矣。轉大人的國中生是無可能願意閣聽搖囡仔歌。有幾若擺，我會英雄想起阿母為阮姊妹仔唱的歌。雖然調俗詞簡單甲有淡薄仔做，毋過阿母簡單的愛永遠是阮的靠山。